

Na osnovu člana 18. b) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96-Ispravka, 16/97, 14/00, 4/01 i 28/04), čl. 2. i 311. stav 2. Zakona o privrednim društvima („Službene novine Federacije BiH“, br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), i člana 2. stav 2. Zakona o javnim preduzećima u Federaciji Bosne i Hercegovine („Službene novine Federacije BiH, br. 8/05, 81/08 i 22/09) i Odluke o klasifikaciji djelatnosti BiH 2010 („Službeni glasnik BiH“, broj 47/10), Skupština Kantona Sarajevo, na _____ sjednici od _____ 2011.godine, donijela je

O D L U K U
**O IZMJENI ODLUKE O USKLAĐIVANJU STATUSA KANTONALNOG JAVNOG
KOMUNALNOG PREDUZEĆA ZA SAHRANE I UPRAVLJANJE GROBLJEM „POKOP“ SA
P.O. SARAJEVO SA ZAKONOM O JAVNIM PREDUZEĆIMA
U FEDERACIJI BOSNE I HERCEGOVINE**

Član 1.

U Odluci o usklađivanju statusa Kantonalnog javnog komunalnog preduzeća za sahrane i upravljanje grobljem „Pokop“ sa p.o. Sarajevo sa Zakonom o javnim preduzećima u Federaciji Bosne i Hercegovine („Službene novine Kantona Sarajevo“, br. 30/05, 25/09 i 22/11), u članu 8. stav 1. mijenja se i glasi:

„Član 8.

Preduzeće obavlja djelatnost od javnog društvenog interesa i to:

- 43.99 Ostale specijalizirane građevinske djelatnosti, d.n.;
- 47.76 Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijaliziranim prodavnicama;
- 56.10 Djelatnosti restorana i ostalih objekata za pripremu i usluživanje hrane;
- 81.30 Uslužne djelatnosti uređenja i održavanja zelenih površina;
- 94.91 Djelatnosti vjerskih organizacija;
- 96.03 Pogrebne i srodne djelatnosti.“.

Član 2.

Ova odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVAJUĆA
SKUPŠTINE KANTONA SARAJEVO**

Broj:
Sarajevo,

Prof. dr. Mirjana Malić

O B R A Z L O Ž E N J E

PRAVNI OSNOV:

Pravni osnov za donošenje predložene Odluke sadržan je odredbi člana 18. tačka b) Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01 i 28/04), kojom je propisano da Skupština Kantona „donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona“, čl. 2. i 311. stav 2. Zakona o privrednim društvima („Službene novine Federacije BiH“, broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), kojim je propisano da „kada društvo s ograničenom odgovornošću osniva samo jedan osnivač, osnivački akt je odluka o osnivanju“, člana 2. stav 2. Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08 i 22/09), kojim je propisano da „djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti“ i Odluci o klasifikaciji djelatnosti BiH 2010 („Službeni glasnik BiH“, broj 47/10), kojom su propisane klasifikacijske djelatnosti BiH 2010, sa kojom je potrebno uskladiti odluke o usklađivanju statusa kantonalnih javnih komunalnih preduzeća.

RAZLOZI ZA DONOŠENJE:

Agencija za statistiku BiH, donijela je Odluku o klasifikaciji djelatnosti Bosne i Hercegovine 2010 („Službeni glasnik BiH“, broj 47/10), kojom je propisana Klasifikacija djelatnosti Bosne i Hercegovine za 2010.godinu, sa nazivima i šiframa djelatnosti, koje obuhvataju područja, oblasti, grane i razrede ekonomskih djelatnosti, te da će se ista primjenjivati na teritoriji Bosne i Hercegovine.

U članu 5. navedene Odluke propisano je da Odluka o klasifikaciji Bosne i Hercegovine („Službeni glasnik BiH“, broj 84/06) prestaje da važi od dana primjene Odluke o klasifikaciji djelatnosti Bosne i Hercegovine 2010 („Službeni glasnik BiH“, broj 47/10).

Članom 6. Odluke o klasifikaciji djelatnosti Bosne i Hercegovine 2010, navedeno je da se ista Odluka primjenjuje od 01.01.2011.godine.

Shodno navedenom potrebno je da se djelatnosti koje su utvrđene u odlukama o usklađivanju statusa kantonalnih javnih komunalnih preduzeća usklade sa Odlukom o klasifikaciji djelatnosti Bosne i Hercegovine 2010., odnosno sa Klasifikacijom djelatnosti Bosne i Hercegovine 2010.

Na osnovu izloženog predlažemo donošenje ovog Zaključka.

ZAKON

O VLADI KANTONA SARAJEVO (Prečišćen tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladi Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi pred- sjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, premijer se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavački Skupštine Kantona, u konsultaciji sa zamjenicima predsjedavajućeg Skupštine Kantona.

Član 9.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglaša nepovjerenje.

Član 10.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 11.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona.

Član 12.

Vlada Kantona imenuje i razrješava sekretara Vlade Kantona na prijedlog premijera.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 13.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 14.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 15.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova. Vlada Kantona može obrazovati stalna i povremena radna tijela (savjete, uredi, komitete, odbore, komisije i dr.).

Sastav i nadležnost radnih tijela iz stava I. ovog člana uredit će se Poslovnikom Vlade Kantona ili aktom o obrazovanju radnog tijela.

Član 16.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlade Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 17.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 18.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 19.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 20.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 21.

Sekretar Vlade Kantona prema uputstvima premijera i Vlade u skladu sa Poslovnikom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 23.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava I. ovog člana ne mogu se staviti van snage prava i slobode utvrđene ustavom i drugim propisima.

Propise iz stava I. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 24.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mјere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 25.

Uredbe i odluke Vlade Kantona objavljaju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 26.

Javnost rada Vlade Kantona obezbeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 27.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 28.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 29.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 30.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne doneše Poslovnik o radu Vlade Kantona.

Član 31.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Broj 23 - Ponedjeljak, 21. juna/lipnja 1999.

155

Na osnovu člana IV. 7. (VI) Ustava Federacije Bosne i Hercegovine, donosim

UKAZ
O PROGLAŠENJU ZAKONA
O PRIVREDNIM DRUŠTVIMA

Proglasjava se Zakon o privrednim društvima koji je usvojio Parlament Federacije Bosne i Hercegovine na sjednici Predstavničkog doma održanoj 26. januara 1999. godine i na sjednici Doma naroda održanoj 19. maja 1999. godine.

Broj 01-498/99
4. juna 1999. godine
Sarajevo

Predsjednik
Federacije BiH
Ivo Andrić-Lužanski, s. r.

ZAKON
O PRIVREDNIM DRUŠTVIMA

PRVI DIO:
ZAJEDNIČKE ODREDBE

I - OPĆE ODREDBE

Član 1.

Ovim zakonom uređuje se osnivanje, poslovanje, upravljanje i prestanak privrednih društava (u daljem tekstu: Društvo) u Federaciji Bosne i Hercegovine (u daljem tekstu: Federacija).

1. Pojam i oblici društava

Član 2.

Društvo je pravno lice koje samostalno obavlja privrednu djelatnost radi sticanja dobiti. Društvo mogu osnovati domaća i strana fizička i pravna lica, ako zakonom nije drugačije određeno.

Član 308.

Izmirenje obaveza dioničkog društva za koje likvidator nije znao i koje povjerioci nisu prijavili u roku iz člana 302. stav 2. ovog zakona, može se zahtijevati samo iz deponovanog novca koji nije isplaćen dioničarima.

PETI DIO: DRUŠTVO SA OGRANIČENOM ODGOVORNOŠĆU

I - OPĆE ODREDBE

1. Pojam

Član 309.

Društvo s ograničenom odgovornošću je društvo čiji je osnovni kapital podijeljen na udjele.

Za obaveze društva s ograničenom odgovornošću član društva odgovara svojim udjelom.

Udjeli osnivača društva s ograničenom odgovornošću mogu biti različiti, a svaki osnivač može steći samo jedan udio.

Član 310.

Odredbe ovog zakona o dioničkom društvu primjenjuju se na društvo s ograničenom odgovornošću, ako posebnim odredbama ovog zakona nije drugačije određeno.

U društvu s ograničenom odgovornošću koje nema nadzorni odbor njegova ovlaštenja vrše članovi društva.

2. Osnivački akt

Član 311.

Društvo s ograničenom odgovornošću osniva se ugovorom u pismenoj formi koji zaključuju osnivači, čiji potpisi se ovjeravaju u skladu sa zakonom.

Kada društvo s ograničenom odgovornošću osniva samo jedan osnivač, osnivački akt je odluka o osnivanju.

Član 312.

Ugovor iz člana 311. stav 1. ovog zakona može potpisati punomoćnik osnivača na osnovu punomoći koja se prilaže ugovoru, a kojom je punomoćnik izričito ovlašten za taj posao i na kojoj je potpis vlastodavca ovjeren zakonom.

ZAKON

O JAVNIM PREDUZEĆIMA U FEDERACIJI BOSNE I HERCEGOVINE

1. Predmet Zakona i definicije

Član 1.

Ovim Zakonom uređuju se određena pitanja upravljanja i poslovanja u javnim preduzećima.

Član 2.

Javno preduzeće, u smislu ovog Zakona, jeste preduzeće (pravno lice upisano u sudske registre kao privredno društvo, odnosno javno preduzeće definirano kao takvo posebnim propisom) koje obavlja djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa), koje zapošljava najmanje 50 radnika, kao i preduzeće u kojem općina, grad, kanton ili Federacija Bosne i Hercegovine ima udio u vlasništvu u iznosu od najmanje 50% plus jedna dionica odnosno udio nezavisno od toga kojom se djelatnosti bavi.

Djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti.

Član 3.

Javna preduzeća iz člana 2. ovog Zakona mogu se organizirati u obliku dioničkog društva ili društva sa ograničenom odgovornošću.

Član 4.

U ovom Zakonu primjenjuju se sljedeće definicije:

"poslovne tajne" - uključuju sve informacije koje se odnose na poslovanje javnog preduzeća koje mogu biti od koristi za konkurențe, kao što su npr. proizvodni proces, inžinjerski i tehnički projekti i nacrti, specifikacije proizvoda, liste klijenata, poslovna strategija, te informacije vezane za finansije, prodaju i marketing;

"interna kontrola" - jeste postupak koji provode nadzorni odbor, uprava i zaposleni sa ciljem da se pruže prihvatljive garancije u pogledu postizanja ciljeva u sljedećim kategorijama: efikasnost i ekonomičnost operacija, pouzdanost finansijskog izvještavanja i postupanje u skladu sa zakonima i propisima koji su na snazi;

"postupak nabavke" - jeste odgovarajući postupak za dodjelu ugovora dobavljaču u skladu sa važećim propisima o nabavci;


"povezano lice" - jeste svaki zaposlenik javnog preduzeća, uključujući i pojedince i zastupnike koje javno preduzeće imenuje za obavljanje određenih djelatnosti, svaki član nadzornog odbora i odbora za reviziju, svako javno preduzeće ili pojedinac u čijem posrednom ili neposrednom vlasništvu je najmanje 10% od ukupne sume glasačkih prava javnog preduzeća;

"odgovorno lice" - jeste svako lice kojem se zakonom ili statutom javnog preduzeća dodjeljuje nadležnost za konkretni posao ili zadatak, odnosno svako lice za koje se sa razlogom može reći da takva nadležnost potпадa pod odredbe njegovog ugovora o radu ili u djelokrug njegovih poslova u javnom preduzeću;

"revidiranje" - jeste analiziranje izvještaja ili situacije i u roku od 15 dana podnošenje prijedloga relevantnih pisanih korektivnih strategija menadžmentu radi otklanjanja mogućih i stvarnih nezakonitosti, neefikasnosti, gubitaka i izdataka;

SLUŽBENI GLASNIK BOSNE I HERCEGOVINE

Izdanje na bosanskom, hrvatskom i srpskom jeziku



СЛУЖБЕНИ ГЛАСНИК БОСНЕ И ХЕРЦЕГОВИНЕ

Издање на босанском, хрвачком и српском језику

Godina XIV
Utorak, 8. juna/lipnja 2010. godine

Broj/Broj
47

Година XIV
Уторак, 8. јуна 2010. године

ISSN 1512-7486 - bosanski
ISSN 1512-7494 - hrvatski
ISSN 1512-7508 - srpski

AGENCIJA ZA STATISTIKU BOSNE I HERCEGOVINE

Na osnovu čl. 6. i 9. Zakona o klasifikaciji djelatnosti u Bosni i Hercegovini ("Službeni glasnik BiH", br. 76/06, 100/08 i 32/10), Agencija za statistiku Bosne i Hercegovine, donosi

ODLUKU O KLASIFIKACIJI DJELATNOSTI BOSNE I HERCEGOVINE 2010

Član 1.
(Predmet Odluke)

Ovom Odlukom propisuje se Klasifikacija djelatnosti Bosne i Hercegovine 2010 (u dalnjem tekstu: Klasifikacija djelatnosti BiH 2010), sa nazivima i šiframa djelatnosti koje obuhvataju područja, oblasti, grane i razrede ekonomskih djelatnosti, koja će se primjenjivati na teritoriji Bosne i Hercegovine.

Član 2.

(Upotreba Klasifikacije djelatnosti BiH 2010)

Klasifikacija djelatnosti BiH 2010 iz člana 1. ove Odluke upotrebljava se za određivanje djelatnosti, odnosno za sva razvrstavanja po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirk podataka (evidencije, registri, baze podataka i sl.).

Član 3.

(Hijerarhijski nivoi Klasifikacije djelatnosti BiH 2010)

Klasifikacija djelatnosti BiH 2010 sastoji se od četiri hijerarhijska nivoa koja su označena na sledeći način:

- a) područje (označeno jednoslovnom abecednom šifrom),
- b) oblast (označena dvocifrenom brojčanom šifrom),
- c) grana (označena trocifrenom brojčanom šifrom),
- d) razred (označen četverocifrenom brojčanom šifrom).

Član 4.

(Sastavni dio Odluke)

Sastavni dio ove Odluke čine:

- a) Klasifikacija djelatnosti BiH 2010,
- b) Klasifikacija djelatnosti BiH 2010 sa objašnjenjima,
- c) Metodologija za statističku primjenu Klasifikacije djelatnosti BiH 2010.

Član 5.

(Prestanak primjene prethodne Odluke)

Odluka o Klasifikaciji djelatnosti Bosne i Hercegovine ("Službeni glasnik BiH", broj 84/06) prestaje da važi od dana primjene ove Odluke.

Član 6.

(Stupanje na snagu i objavljivanje Odluke u "Službenom glasniku BiH")

Ova Odluka stupa na snagu danom objavljivanja u "Službenom glasniku BiH", a primjenjuje se od 1. januara 2011. godine.

Broj 1344/10
19. maj 2010. godine,
Sarajevo

Direktor
Zdenko Milinović, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), a u skladu sa članom 3. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05), članom 51. Zakona o komunalnim djelatnostima ("Službene novine Kantona Sarajevo", broj 31/04) i Odlukom o standardnoj klasifikaciji djelatnosti u Federacije BiH ("Službene novine Federacije BiH", broj 28/98, 36/98 - ispravka i 47/98 - ispravka). Skupština Kantona Sarajevo, na sjednici od 7. oktobra 2005. godine, donijela je

ODLUKU

O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA SAHRANE I UPRAVLJANJE GROBLJEM "POKOP" SA P.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

I - OSNOVNE ODREDBE

Član 1.

Ovom odlukom osnivač Kanton Sarajevo, ulica Reisa Džemaludina Čauševića broj 1. Sarajevo, (u dalnjem tekstu: Osnivač) usklađuje oblik, firmu i način upravljanja u skladu sa Zakonom o javnim preduzećima u Federaciji Bosne i Hercegovine (u dalnjem tekstu: Zakon), utvrđuje visinu osnovnog kapitala i vrši usklađivanje djelatnosti Preduzeća u unutrašnjem prometu u skladu sa Odlukom o standardnoj klasifikaciji djelatnosti u Federaciji BiH i vrši upis prava obavljanja vanjskotrgovinskog poslovanja u skladu sa Zakonom.

Član 2.

Preduzeće, u skladu sa Zakonom, mijenja oblik i djelovat će kao Preduzeće sa ograničenom odgovornošću (u dalnjem tekstu: Preduzeće).

Član 3.

Preduzeće je pravni sljednik KANTONALNOG JAVNOG KOMUNALNOG PREDUZEĆA ZA SAHRANE I UPRAVLJANJE GROBLJEM "POKOP" SA P.O. SARAJEVO, registrovanog Rješenjem Kantonalnog suda u Sarajevu broj: UF/I-361/03 od 4. 4. 2003. godine i ima svojstvo pravnog lica sa pravnom i poslovnom sposobnošću.

Član 4.

Preduzeće obavlja djelatnost imovinom koja mu je data na upravljanje, a koja je u cijelokupnom vlasništvu osnivača.

II - FIRMA I SJEDIŠTE PREDUZEĆA

Član 5.

Preduzeće će poslovati pod firmom: Kantonalno javno komunalno preduzeće za sahrane i upravljanje grobljem "POKOP" d.o.o. Sarajevo.

Skraćeni naziv: KJKP "POKOP" d.o.o. Sarajevo.

Član 6.

Sjedište Preduzeća je u Sarajevu, ulica Mula Mustafe Bašeskije broj 38.

Član 7.

Preduzeće ima pečat okruglog oblika u kome je isписан puni naziv firme i štambilj četvrtastog oblika, koji sadrži puni naziv firme, a služi za ovjeru prijema podnesaka (akata).

Vrsta pečata i štambilja, način upotrebe i čuvanje utvrđuje se općim aktom koji donosi Uprava Preduzeća.

III - DJELATNOST PREDUZEĆA

Član 8.

Preduzeće obavlja djelatnost od javnog društvenog interesa i to:

93.0493.040 Pogrebne i prateće djelatnosti

52.485 Trgovina na malo cvijećem

55.3055.300 Restorani

Preduzeće obavlja i:

- Uređivanje i održavanje grobnih mjeseta i grobalja i upravljanje objektima na grobljima (prostorije za vršenje posmrtnih obreda, sanitарне prostorije i fontane),
- Izrada betonskih podloga za nadgrobne spomenike do nivoa površine zemlje,
- Podizanje grobnica i nadgrobnih spomenika,
- Transport nastradalih lica u saobraćajnoj nesreći od mjesta udesa do mirtvačnice,
- Prevoz umrlih specijalnim pogrebnim vozilom na teritoriji BiH i inostranstva.

Član 9.

Djelatnost Preduzeća u vanjskotrgovinskom poslovanju glasi:

- Vanjskotrgovinski promet iz okvira registrovane djelatnosti.

Član 10.

Preduzeće može obavljati poslove samo u okviru djelatnosti upisane u sudske registre.

Preduzeće može obavljati i druge poslove koji se uobičajeno obavljaju uz djelatnosti upisane u sudske registre, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

IV - SREDSTVA ZA RAD

Član 11.

Osnovni kapital Preduzeća čini novac, iskazan u novčanom iznosu od 10.000,00 KM, odnosno 100% udjela.

Osnovni iznos kapitala se ne može smanjivati ispod iznosa utvrđenog zakonom.

Osnivač može u toku poslovne godine povećati vrijednost osnovnog kapitala Preduzeća novim ulaganjem.

Član 12.

Povećanje i smanjenje osnovnog kapitala vrši se na osnovu odluke osnivača.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA SAHRANE I UPRAVLJANJE GROBLJEM "POKOP" SA P.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća za sahrane i upravljanje grobljem "Pokop" sa p.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 30/05), u članu 8. stav 1. broj "93.04 93.040" mijenja se i glasi: "93.03 93.030".

Član 2.

Član 13. mijenja se i glasi:.

"Član 13.

Preduzeće ima fond rezervi.

Statutom Preduzeća propisuju se statutarne rezerve, utvrđuje namjena i način njihovog korištenja."

Član 3.

U članu 18. alineja 1. briše se.

Alineja 3. mijenja se i glasi:

"- imenuje i razrešava Upravu u skladu sa Statutom Preduzeća".

Alineja 6. mijenja se i glasi:

"- daje mišljenje Skupštini o prijedlogu Uprave o rasporedu dobiti".

Član 4.

U članu 20. stavovi 1. i 2. mijenjaju se i glase:

"Nadzorni odbor ima predsjednika i dva člana".

"Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta Preduzeća".

Član 5.



TELEFONI: Direkcija +387(033)535-170 / 446-137 - Prodav.pogrebne opreme 551-370 - Groblje «Bare» 551-750 Groblje «Vlakovo» 761-955
Vozni park 623-583 - Ćvećara «Bare» 551-375- Mrtvačnica 664-686- Tel/fax 535-164 - Groblje «Stadion» 258-306 - E-mail: kjkp_pokop@bih.net.ba - Web site: www.pokop.ba

ASSOCIATION
OF SIGNIFICANT
CEMETERIES
IN EUROPE
ASCE

Broj:1770/11


Datum: 13. decembar 2011

MINISTARSTVO PROSTORNOG UREĐENJA

I ZAŠTITE OKOLIŠA

Bosna i Hercegovina
Federacija Bosne i Hercegovine
KANTON SARAJEVO

RVM/LJENO: 13-12-2011			
Organizaciona jedinica	Kvalifikaciona oznaka	Redni broj	Broj priloga
05	23	31174	11



Predmet:Prijedlog novih šifri djelatnosti Preduzeća

Poštovani,

Vezano za Vaš dopis broj:05-23-31174/11 od 07.12.2011.godine dostavljamo Vam nove šifre djelatnosti Preduzeća koje smo usaglasili sa Odlukom o klasifikaciji djelatnosti BiH 2010 („Službeni glasnik BiH“, broj 47/10) a koje se odnose na član 8. stav 1. Odluke o usklađivanju statusa našeg Preduzeća sa Zakonom o javnim preduzećima u FBiH koji se mijenja i glasi:

„1.POGREBNE I PRIPADAJUĆE DJELATNOSTI RAZRED 96.03

2.DJELATNOSTI VJERSKIH ORGANIZACIJA 94.91

3.TRGOVINA NA MALO CVIJEĆEM, SADNICAMA, SJEMENJEM, ĐUBRIVOM, KUĆNIM LJUBIMCIMA I HRANOM ZA KUĆNE LJUBIMCE U SPECIJALIZOVANIM PRODAVNICAMA RAZRED 47.76

4.DJELATNOSTI RESTORANA I OSTALIH OBJEKATA ZA PRIPREMU I USLUŽIVANJE HRANE RAZRED 56.10

5.OSTALE SPECIJALIZOVANE GRAĐEVINSKE DJELATNOSTI D.N.RAZRED 43.99

6.USLUŽNE DJELATNOSTI UREĐENJA I ODRŽAVANJA ZELENIH POVRŠINA RAZRED 81.30“

Stav 2.člana 8. Odluke ostaje nepromijenjen i glasi :Preduzeće obavlja i:

- uređivanje i održavanje grobnih mjeseta i grobalja i upravljanje objektima na grobljima (prostorije za vršenje posmrtnih obreda, sanitarnе prostorije i fontane),
- izrada betonskih podloga za nadgrobne spomenike do nivoa površine zemlje,
- podizanje grobnica i nadgrobnih spomenika,
- transport nastradalih lica u saobraćajnoj nesreći od mjesta udesa do mrtvačnice,

BAS EN ISO 9001:2000

71 000 SARAJEVO, MULA MUSTAFE BAŠEŠKIJE 38, Bosna i Hercegovina - TRANSANKCIJSKI RAČUNI U KM: I. VOLKS BANK BiH:1401020003012707
II. NLB TUZLANSKA BANKA DD Tuzla: 1327310010000150 - III. UNION BANKA DD Sarajevo:1020290000015965
IV. RAIFFEISEN BANK DD Sarajevo: 1610000005140041 - V. UNICREDIT Zagrebačka banka d.d. Sarajevo:3383202250686353
VI;PDV BR.200119040004 - VII. P.B.01841343 - Registr.pri Kantonalnom sudu u Sarajevu broj: 065-0-Reg-08-002972 od 28. 11.2008 god.

-prevoz umrlih specijalnim pogrebnim vozilom na teritoriji BiH i inostranstva.“

Obrazloženje:

- da bi obuhvatili sve djelatnosti našeg Preduzeća iz naprijed navedenog se vidi da smo morali proširiti razrede obavljanja djelatnosti sa dosadašnje tri šifre na šest šifri odnosno razreda, pokušavajući se naći u različitim oblastima koje ne predstavljaju našu primarnu djelatnost, što znači da se nije vodilo računa o specifičnim djelatnostima kao što je naše Preduzeće.
- Iz naprijed navedenog morali smo ubaciti nove razrede i to
- Razred 94.91 djelatnosti vjerskih organizacija (vjerske pogrebne usluge)
- Razred 43.99 ostale specijalizovane građevinske djelatnosti D.N. (armirane radove, popločavanje kamenom)
- Razred 81.30 uslužne djelatnosti uređenja i održavanja zelenih površina (grobala).

Ovom prilikom moramo napomenuti da nismo zadovoljni Odlukom o klasifikaciji djelatnosti BiH, iz sledećih razloga:

Područje S Ostale uslužne djelatnosti u razredu 96.03 obrađene su naše „Pogrebne i pripadajuće djelatnosti“ i to bi trebao biti naš primarni razred koji na žalost obrađuje neke poslove kojima se mi ne bavimo i smatramo vrlo upitnim da li i kako se baviti istim?

Naime u prvoj alineji pomenutog razreda stoji: „**sahranjivanje i spaljivanje ljudskih ili životinjskih leševa i pripadajuće djelatnosti**“.

Smatramo i zato ističemo našu primjedbu da se mora napraviti razlika između tretiranja ljudskih leševa i leševa životinja.

Naša intencija je svakako izgradnja krematorija, ali isključivo za ljudske leševe i zbrinjavanje patohistološkog otpada.

S poštovanjem,

Dostaviti:

-Resornom Ministarstvu
-a/a

